

Expte. 4.799-440

ACLARACIÓNS ÁS CUESTIÓNS FORMULADAS POR D. MANUEL DUARTE GARRIDO EN REPRESENTACIÓN DE COMPLEMENTOS POLICIALES, S.L. RESPECTO DO PROCEDEMENTO ABERTO PARA A CONTRATACIÓN DO SUBMINISTRO DE VESTIARIO PARA O PERSOAL MUNICIPAL

I.- Antecedentes

Primeiro.- A Xunta de Goberno local, na sesión que tivo lugar o 22 de febreiro de 2018, acordou aprobar o expediente número 4.799-440 para a contratación do subministro de vestiario para o persoal municipal, e abrir o procedemento de licitación na forma legalmente prevista.

Segundo.- O 28 de febreiro de 2018, publicouse no Diario Oficial da Unión Europea o anuncio de licitación do citado procedemento.

Terceiro.- Con data do 27 de marzo de 2018 D. Manuel Duarte Garrido en representación de COMPLEMENTOS POLICIALES, S.L., aberto o prazo para a presentación de ofertas, mediante escrito presentado no Rexistro xeral deste Concello co número 180045464 solicita aclaracións ao prego de prescricións técnicas particulares.

Reprodúcense no seguinte apartado as aclaracións solicitadas e a súa resposta, de acordo co informe emitido polo xefe da Área de Investimentos o 2 de abril de 2018.

II.- Aclaracións

1º.- PREGUNTA: D. Manuel Duarte Garrido en representación de COMPLEMENTOS POLICIALES, S.L., expón no seu escrito:

“Que tendo coñecemento da licitación relativa ao “subministro dos diversos elementos que conforman o vestiario para o persoal municipal do Concello de Vigo” e unha vez examinados os pregos reguladores da referida contratación, se ten detectado que no prego de prescricións técnicas, concretamente no listado de elementos a subministrar no lote 4, se esixe a presentación de mostra obrigatoria sobre un total de 22 produtos que non están, na súa totalidade, descritos no ANEXO do PCAP (lote 4).

Tendo en conta a obrigatoriedade da presentación das mostras nos termos

descritos no referido Anexo, solicítase ao órgano de contratación que proceda á corrección do referido erro, incluíndo no Anexo (lote 4) a totalidade de prendas referidas no PPT cuxa mostra é de presentación obrigada, debendo iniciarse o prazo de presentación de ofertas, en consecuencia, no momento en que se proceda á publicación da referida corrección no perfil do contratante do Concello de Vigo”.

RESPOSTA:

En relación coa aclaración solicitada débese indicar que o prego de prescricións técnicas particulares no apartado h) do punto 2) contén a seguinte indicación:

“h.- En relación coas prendas do LOTE nº 4 Prendas ou elementos uniformidade específica do servizo de Policía local, o licitador deberá atender con carácter xeral ás normas establecidas na “Orde de 22 de xullo de 2010 pola que se establece a descrición e características das distintas pezas de uniformidade dos corpos de policía local, vixiantes municipais e auxiliares de policía local de Galicia, así como a imaxe corporativa dos corpos de policía local” e de forma específica as peculiaridades descritas nas fichas incluídas no anexo deste lote. As prendas ou elementos non definidos por fichas individualizas terán como referencia xenérica a Orde do 22/07/2010”.

No apartado 4 do citado prego (PPTP) indícase que:

“Tendo en conta a enorme dispersión de prendas ou elementos que conforman cada un dos lotes obxecto deste contrato, o licitador na súa oferta deberá achegar unha ficha técnica descritiva das características da prenda ofertada, a cal deberá adecuarse as condicións básicas definidas nos anexos deste prego.

Así mesmo o licitador terá a obriga de presentar ademais da ficha técnica, unha mostra física, para as prendas ou elementos a ofertar que se atopen identificados neste prego coa condición de “obligatorio mostra”. A presentación destas mostras correspóndese coa necesidade de proceder a realización do proceso de avaliación dos criterios de xuízo de valor definidos no PCAP, para estas prendas, nos cales buscase identificar ademais os aspectos da funcionalidade e comodidade da prenda.

Cada unha das prendas a ofertar deberá ter a súa ficha técnica descritiva, que deberá garantir o cumprimento dos requisitos mínimos definidos nos anexos deste prego, así como deberá engadirse as condicións definitorias das calidades.

As fichas técnicas deberán conter:

a.- Descrición técnica da prenda ou elemento a ofertar en relación as peculiaridade da súa confección.

b.- Descrición específica das características técnicas dos tecidos a empregar na confección das

prendas ou elementos. O licitador deberá identificar co maior grado de detalle, aqueles valores que teñen unha incidencia directa sobre a calidade dos tecidos que conforman a proposta realizada para cada prenda ou elemento a subministrar, e como mínimo deberá comprender:

1.- Descrición dos valores cualitativos e cuantitativos da composición das fibras, masa laminar dos tecidos.

2.- Valores que incidan na durabilidade. Resistencia dos tecidos, solidez das tinturas, etc.

3.- Valores que incidan na funcionalidade e confortabilidade. Resistencia a penetración da auga, Resistencia térmica, transpirabilidade, capacidade de absorción de auga, capacidade antibacteriana dos tecidos principais.

c.- Para as prendas identificadas coa condición de "obligatorio mostra". O licitador deberá de achegar ademais da descrición técnica, unha xustificación acreditativa da certificación de ensaio realizados por laboratorios homologados para garantir o cumprimento dos valores aportados nas fichas técnicas. Este requisito non terá a condición de excluínte e soamente terá como obxecto a avaliación correspondente de acordo cos criterios que se establezan no PCAP".

Así mesmo, en relación coas prendas ou elementos indicados para cada lote o propio PPTP indica que *"Forman parte deste prego os anexos correspondentes a enumeración das prendas ou elementos que constitúen o obxecto deste contrato, así como as fichas individualizadas para a descrición xenérica das prendas ou elementos que conforman cada un dos lotes de acordo a seguinte distribución, na cal se atopa a indicación individualizada das prendas ou elementos contempladas para o LOTE nº 4 coa indicación das unidades de referencia, así como un prezo unitario de cada unha das prendas".*

Á vista das indicacións que se recollen no prego de prescricións técnicas publicado e os criterios de avaliación recollidos no PCAP, considérase que os mesmos conteñen unha descrición concreta sobre os elementos que conforman o lote nº 4 e os mesmos posibilitan o proceso de contratación a través dunha concorrência competitiva e facilitando información suficiente e axustada para garantir os principios de transparencia, libre concorrência e trato igualitario para calquera licitador que pretenda presentar a súa oferta.